

Cydlynydd GŴyl Rhyngwladol Serameg



Cyflog: Tâl £15 yr awr yn ddibynnol ar brofiad

Mae hon yn rôl ran-amser am gyfnod o 9 mis - ar gyfartaledd 28 awr y mis neu 1 diwrnod yr wythnos fodd bynnag bydd mwy o oriau yn y cyfnod cyn yr Ŵyl ac yn y cyfnod o bythefnos o gwmpas y digwyddiad. Gweithio hyblyg yn bennaf o gartref ond yng nghanolbarth neu Orllewin Cymru os yw'n bosib.

Mae'r Ŵyl Rhyngwladol Serameg, Aberystwyth yn ceisio penodi Cydlynydd GŴyl a fydd yn gweithio gyda'r Bwrdd Cyfarwyddwyr a Gweinyddwr yr Ŵyl i gyflawni un o'r digwyddiadau serameg mwyaf blaenllaw yn y DU. Dyma gyfle i berson sydd â sgiliau a phrofiad da mewn rheoli digwyddiadau sy'n croesawu'r her o weithio mewn amgylchedd celfyddydol deinamig.

Mae'r Ŵyl, a drefnwyd ar y cyd rhwng Crochenwyr Gogledd Cymru, Crochenwyr De Cymru, Prifysgol Aberystwyth a Chanolfan y Celfyddydau, yn dwyn ynghyd artistiaid serameg i arddangos eu gwaith trwy arddangosiadau, arddangosfeydd, tanio odyrau, ffilmiau a darlithoedd. Mae'r Ŵyl yn cynnig achlysur rhwydweithio cyffrous a chyfnewid gwybodaeth a sgiliau ar gyfer pawb sy'n ymddiddori mewn cerameg gyfoes.

Y dyddiad cau ar gyfer ceisiadau yw hanner dydd, **ddydd Iau 24 Tachwedd 2022**. Byddwn yn cadarnhau derbyn eich cais drwy e-bost. Sylwch ein bod ond yn trin ceisiadau yn electronig. Rydym yn gobeithio cynnal cyfweiliadau yn gynnar ym mis Rhagfyr gyda'r dyddiad cychwyn **dydd Llun 10 Ionawr 2023**.

Cydlynydd GŴyl Rhyngwladol Serameg

Fel Cydlynydd yr Ŵyl bydd gennych rôl gyffrous a chanolog yn nhrefniadaeth yr Ŵyl ym mis Gorffennaf 2023. Ar ôl cyfnod o ad-drefnu ers y Pandemig rydym yn sefydlu dwy swydd arweiniol i weithio gyda'r Bwrdd Cyfarwyddwyr i gynnal y digwyddiad. Bydd Cydlynydd yr

Ŵyl, sy'n gweithio ar y cyd â Gweinyddwr yr Ŵyl yn rheoli eu tîm eu hunain o gontractwyr tymor byr eraill i gynnwys tasgau penodol er enghraifft rheoli safleoedd, deunyddiau, arlwyo a chynorthwyyr GŴyl i drefnu a chyflwyno gweithrediad holl weithgareddau'r Ŵyl.

Gwneud cais

E-bostiwch eich CV i chair@icfwales.co.uk, ac atodi llythyr eglurhaol hefyd o ddim mwy na 500 o eiriau. Dylech esbonio'n gryno pam mai chi fyddai'r person delfrydol ar gyfer y rôl hon sy'n manylu ar sut mae eich profiad, eich galluoedd a'ch rhinweddau yn cyd-fynd â manyleb y person isod. Bydd eich cais yn cael ei sgorio yn erbyn y fanyleb hon. Cofiwch hefyd gynnwys enwau a manylion cyswllt dau ganolwr, a'ch argaeledd rhwng 5 a 9 Rhagfyr fel y gallwn wneud trefniadau priodol. Os ydych angen mwy o wybodaeth cyn i chi ymgeisio, cysylltwch â ni drwy e-bostio chair@icfwales.co.uk.

Rhagor o fanylion am yr Ŵyl a manylion y swydd

Yr Ŵyl Serameg Ryngwladol

Pryd?

Wedi'i gychwyn yn 1987, mae'r Ŵyl Rhyngwladol Serameg (ICF) yn un o'r digwyddiadau mawr yn y calendr serameg. Mae'r Ŵyl nesaf yn 2023.

Lle?

Mae'r Ŵyl yn cael ei chynnal bob yn ail flwyddyn dros benwythnos ym mis Gorffennaf gan groesawu dros 1000 o bobl i leoliad hardd sy'n edrych dros y môr yng Nghanolfan y Celfyddydau Aberystwyth, Gorllewin Cymru.

Pwy sy'n dod?

Artistiaid serameg proffesiynol, myfyrwyr celf a serameg, addysgwyr, curaduron, casglwyr, crochenwyr amatur a hobi, rhai sydd yn hoffi crefft a phobl o'r gymuned leol.

Pwy yw'r arddangoswyr rhyngwladol?

Mewn dros 30 mlynedd mae'r Ŵyl wedi cynnwys dros 200 o artistiaid serameg enwog o'r DU ac ar draws y byd gan gynnwys Ewrop, Gogledd America, Japan a Tsieina. Mae crochenwyr o Affrica, India, Indonesia a De America hefyd yn cymryd rhan, mewn rhai achosion gan roi cyfle unigryw i weld dulliau traddodiadol o greu ac addurno cerameg. Er enghraifft, yn 2019 roedd yr Ŵyl yn cynnwys crochenwyr o Uzbekistan.

Beth mae'r Ŵyl yn ei chynnig?

Gall ymwelwyr weld arddangosiadau, gwyllo tanio odyrau ysblennydd, mynychu darlithoedd, cymryd rhan mewn trafodaethau, gweld ffilmiau ac arddangosfeydd ac ymweld â stondinau masnach. Gall mynychwyr yr Ŵyl ryngweithio'n rhydd ag arddangoswyr yn eu meysydd gwaith ac mae gweithgareddau ymarferol hefyd yn agored i bawb. Yn 2021, er gwaethaf y pandemig, roedd modd cynnal gŴyl 'gymysgol' gyda chyflwyniadau ar-lein a rhai gweithgareddau cymunedol yng Nghanolfan y Celfyddydau. Rydym yn bwriadu defnyddio rhywfaint o'r profiad hwnnw.

Beth yw'r arddangosfeydd?

Mae'r arddangosfeydd gwerthu yn cynnwys gwaith diweddar gan yr arddangoswyr gwadd; sioe serameg ar wahân gan Grochenwyr Gogledd a De Cymru; Sêl Cwpanau, ac arddangosfa o waith Gwneuthurwyr Newydd. Mae arddangosfeydd arbennig hefyd ym mhrif Oriol y Ganolfan Gelfyddydau ac yn yr Oriol Serameg lle mae casgliad hanesyddol mawr o grochenwaith stiwdio i'w gweld bob amser.

Cefnogaeth

Mae'r Ŵyl yn cael grant gan Gyngor Celfyddydau Cymru.

Manyleb rôl

Telerau: Contractwr Annibynnol (Hunangyflogedig)

Cyfradd tâl: £15 yr awr yn ddibynnol ar brofiad.

Oriau:

- I ddechrau, 28 awr y mis (4 diwrnod cyfwerth) i gynnwys presenoldeb yng nghyfarfodydd y bwrdd ar-lein fel arfer ar ail ddydd Mercher pob mis rhwng 10.00 a 1.00.
- Oriau ychwanegol fel sy'n cael eu trafod a chytuno gyda'r bwrdd cyfarwyddwyr yn y cyfnod cyn yr Ŵyl.
- Bydd yn ofynnol i'r person yn y rôl gyflwyno adroddiad o'r gwaith wedi'i gwblhau ac anfoneb i gyfarfodydd misol y bwrdd i'w awdurdodi.

Lle: Gweithio o adref ac wedi lleoli yng nghanolbarth neu orllewin Cymru os yn bosib. Fe fydd y rhan fwyaf o'r cyfarfodydd ar-lein ond mae disgwyl rhywfaint o bresenoldeb yn Aberystwyth yn y cyfnod cyn yr Ŵyl

Efallai y bydd gofyn i'r ymgeisydd llwyddiannus ddarparu dogfennaeth o dan Ddeddf Mewnffudo, Lloches a Chenedligrwydd 2006. Mae cynigion cyflogaeth yn amodol ar dderbyn cyfeiriadau boddhaol. Mae'r swydd ar gael o ganol Ionawr 2022 gyda disgwyliad phresenoldeb yng nghyfarfod bwrdd mis Ionawr.

Prif Ddyletswyddau a Chyfrifoldebau

Cydgysylltu'r Wyl

- Cydlynu safle'r Wyl ar y cyd â'r cyfarwyddwyr, gan oruchwylio trefn holl leoliadau'r Wyl gan gynnwys pabell yr Wyl.
- Cydlynu rhaglen yr Wyl gan gynnwys gweithgareddau'r holl artistiaid, y trefniadau ar gyfer yr holl arddangosfeydd a gwerthiant, y gymuned a'r gweithgareddau cyfranogol a'r seremonïau agoriadol a chau.
- Cydlynu storio a defnyddio holl offer a deunyddiau'r Wyl.
- Datblygu a gweithredu strategaeth marsiandïaeth ar gyfer yr Wyl.
- Cydlynu'r trefniadau arlwy ar gyfer yr holl artistiaid, staff, cynorthwywyr ayyb. Gweithio gyda'r cyfarwyddwyr a Chanolfan y Celfyddydau Aberystwyth i ddarparu siopau bwyd a diod yn ystod yr Wyl.
- Cyfrannu at weithgareddau gwerthuso'r Wyl a pharatoi adroddiadau gwerthuso

Gweithio mewn tîm, rhwydweithio a chysylltu

- Gweithio'n agos gyda Bwrdd Cyfarwyddwyr ICF a Gweinyddwr yr Wyl wrth gyflawni'r Wyl.
- Rheoli staff is-gontractedig eraill mewn perthynas â'r Wyl e.e. y Rheolwr Safle a'r Swyddog Deunyddiau a'r rolau eraill drwy gytundeb.
- Rheoli hyfforddiant a gosodiad Cynorthwywyr yr Wyl yn ystod yr Wyl.
- Cydlynu staffio holl arddangosfeydd a gweithgareddau gwerthu'r Wyl.
- Cysylltu â rheolwyr Ystadau Prifysgol Aberystwyth a chontractwyr eraill a ddanfonwyd yn yr Wyl.

Unrhyw ddyletswyddau eraill

- Dyletswyddau eraill y cytunwyd arnynt fel y trafodwyd rhwng y person yn y rôl a Bwrdd Cyfarwyddwyr ICF.

Manyleb person

	Hanfodol	Dymunol
Addysg, hyfforddiant a chymwysterau	<ul style="list-style-type: none"> Lefel dda o addysg 	
Profiad	<ul style="list-style-type: none"> Cydlynu gŵyl neu ddigwyddiad mawr o fewn sefydliad Gweithio mewn tîm 	<ul style="list-style-type: none"> Gweithio gyda serameg a/neu artistiaid serameg Rheoli cynhyrchu. Datblygu asesiadau risg
Galluoedd a rhinweddau	<ul style="list-style-type: none"> Rheoli amser a therfynau amser yn effeithiol Rheoli disgwyliadau yn broffesiynol Cyfathrebu'n effeithiol, yn gywir ac yn broffesiynol ar ffurf lafar ac ysgrifenedig Cofnodi, rheoli ac adrodd gwybodaeth yn gywir a chyda sylw i fanylion 	
Skills and knowledge	<ul style="list-style-type: none"> Sgiliau trefnu ardderchog Sgiliau dirprwyo ardderchog Gwybodaeth o'r Gymraeg Gwybodaeth am faterion iechyd a diogelwch Hyfedredd digidol 	<ul style="list-style-type: none"> Gwybodaeth a dealltwriaeth o serameg a'r celfyddydau Rhuglder yn y Gymraeg ar ffurf ysgrifenedig a llafar
Personal Attributes	<ul style="list-style-type: none"> Ymagwedd gadarnhaol a brwdfrydig. Agwedd hyblyg at bob agwedd o'r swydd ac at weithio fel rhan o dîm Gallu defnyddio menter Gallu gweithio'n annibynnol ac o adref yn ôl y galw Parhau'n dawel ac yn wrthrychol dan bwysau ac yn gwrtais mewn perthnasoedd gwaith 	